



KOMUNIKADO DI PRENSA

Willemstad, 27 yüli 2023

TARIFA DI GASOLIN, ELEKTRISIDAT I AWA TA SUBI, DIESEL TA KEDA PRAKTIKAMENTE MESKOS

WILLEMSTAD – Entrante djamars 1 di ougùstùs 2023 e tarifa di gasolin ta subi na Kòrsou. E tarifa di diesel ta keda práktikamente meskos. E tarifa di elektrisidat i awa ta subi entrante 1 di ougùstùs 2023. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Kálkulo tarifa produktonan kombustibel

E kálkulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa ougùstùs 2023, en prinsipio ta basá riba e reserva di kombustibel disponibel pa final di yüni 2023.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferencia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

Konforme e desaroyonan internashonal e preis di kompra pa Mogas 95 i Gasoil LSD ta subi. Pa motibu di e reintrodukshon parsial di e komponente di Garantia di Suministro di Kombustibel 1b, e komponente ei ta subi levemente. E subida di e tarifa usuario final di Mogas 95 tambe ta subi debi na e subida di tantu preis di kompra komo e komponente di Garantia di Suministro di Kombustibel 1b. Maske ku e preis di kompra i e komponente di Garantia di Suministro di Kombustibel 1b ta subi, e tarifa usuario final di Gasoil LSD ta keda kasi igual debí na e bahada di e komponente di surplus i défisit.

Kálkulo tarifa awa i koriente

E kálkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel.



E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes.

Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di ougùstùs 2023. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di yüni 2023.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E subida di e tarifanan pa elektrisidat ta resultado di un promedio mas abou di kostonan di kombustibel pa produkshon di elektrisidat, pa motibo di un bahada di preis di kombustibel di Marine Gas Oil (MGO) den kombinashon ku e produkshon-miksto antisipá i un faktor di korekshon mas altu pa e luna di yüni 2023. E subida di tarifanan di awa ta resultado di kostonan di elektrisidat mas abou pa produkshon di awa i un faktor di korekshon mas altu pa luna di yüni 2023.

Aprobashon i fihamentu

BT&P ta asesará Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

FIN DI KOMUNIKADO DI PRENSA

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.